

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

13. Multo magis ob grauiora peccata alij puniti recensentur.

urn:nbn:de:hbz:466:1-45686

nem infamaret, vel vt minoris culpæ tam graui pœna, alios à maiori bus quoq; peccatis absterreret.

XII.

S. Greg. lib. I.
dial. c. 4.

Pet. Thyræus
p. 1. de dæ-
moniacis
c. 30.
Cassian. col-
lat. 3. c. 17.

Si enim in virgine inuenit, ob quod in eam immigrare potuit immundus Spiritus, quot caussas habebit in Helena aliqua, aut Thaide? Atque vt, quæ leuiora videntur, sufficere intelligas ad hospitij istius apparatum, Romæ, quadam die Dei famula ex monasterio virginum hortum ingressa est, qua lactu cam concupiens concupinavit, eamq; signo crucis benedicere oblita, anide momordit: sed arrepta à diabolo protinus cecidit. Cumq; vexatur, Patri Equitio sub celeritate nunciatum est, ut veniret concitus, & orando succurreret. Moxq; hortum idem pater ut ingressus est, cœpit ex eius ore quasi satisfaciens ipse qui hanc arripuerat diaboli clamare, dicens: Ego quid feci? ego quid feci? Sedebam ibi super lactucam, venit illa, & momordit me. Cui cum graui indignatione vir Dei præcepit ut discederet, & locum in omnipotentis Dei famula non haberet. Qui protinus abscessit, nec eam ultrà contingere praualuit. Itaque non cogitatio tantum impura, locum dat diabolo, sed etiam leuis indulgentia gulæ, aut crucis facienda neglectus; & vt Petrus Thyræus (qui in hoc arguemento est valde locuples, magnamque disputandi materiam suppeditauit) docet, certum est, veniales culpas demonibus homini ingrediendi occasionem præbuisse. Confirmat hanc doctrinam Cassianus hoc exemplo. Cum esset Moyses singularis, & incomparabilis vir, ob reprehensionem unius sermonis, quens contra Abbatem Macharium disputans paulò durius protulit, quadam scilicet opinione prænentus, tam diro confessim est traditus spiritui, ut humanas egesines ori suo ab eo suppletus ingereret. Quid flagellum purgationis gloria se Dominus intulisse (ne scilicet in eo vel momentanei delicti maleula resideret) velocitate curationis eius atq; aucto remedio demonstrauit. Nam continuo Abbatem Machario in oratione submisso, dicto citius nequam spiritus ab eo fugatus abscessit. En quid vnum impatiens verbum; quid leuis gula, quid forte incauta cogitatio puellæ superioris in diuino conspectu pœnæ meruerit? Quibus pœnis digni erunt in omne scelus fatuati?

XIII.

Quid alij merebuntur, qui se se in illicitas voluptates totos immergunt? qui vino & ingluvie ventris nō rationis tan-

tum,

etiam, verum etiam sanitatis vigorem opprimunt: qui in peccata conantur etiam esse ingeniosi? Suescionensis Ecclesiæ Episcopus Arnolphus postquam ab adolescentे totam dæmonū legionem exturbauit, quæsivit ex eo pristinæ sanitati restituto, quanam de causa tam atroci malorum spirituum tyranni-
di traditus fuerit? Cui adolescens: *vindicta*, inquit, *quam in
alio probani, præcipua mali, quod passus sum, causa fuit. Porro
fugientem me dæmones primū infecuti: post assedit circumstet-
terunt; & ubi vehementer terruissent, ingressi fuerunt infelicem.*
Itaque cur non vindictæ appetentes talem vindicem merean-
tur, si merentur vindictæ approbatores? Cur superbos non
hoc pacto humiliaret, qui est *rex super omnes filios superbia?* Sic *Iob. 41.*
ingressus est mox illum religiosum, vbi Popponis Stabulensis
Abbatis sui mandatum implere neglexit, & non sine contem-
tu præteriuit. Superbos pariter, & inobedientes, ac suis paren-
tibus impiè ingratos eandem pœnam sèpe sàpius irrogatam
legimus, vt quod peccatum est frequentissimum, etiam fre-
quenti exemplo puniretur. Venerunt aliquando ad S. Parthe-
nium parentes duo, cum adducto filio, qui grauibus tormentis
à dæmone quatiebatur. Eum Sanctum enixè rogauerunt,
vt filium suum pristinæ restitueret sanitati. His S. Parthenius
ita respondit: *Sinite, torqueatur. parricida est: parentibus vobis
sæpe molestus fuit: & quam eidem optastis, instam sustinet castiga-
tionem.* Quo exemplo non filij tantùm discunt esse morigeri
erga parentes, sed etiam parentes monentur, ne filijs irati dia-
bolum imprecentur. Audit enim Deus, & vtramque partem
subinde uno plecit iectu, peccantes, & imprecantes. Habent
ergo postea, & quod meruerunt illi, & quod petierunt isti;
nec possunt iure conqueri contra Deum, à quo impetraverunt,
quod optaverunt. Sic ille pater filiæ quinquenni, quam depre-
henderat lac comedentem, ira effervescentis imprecatus est, ut
vna cum lacte diabolum voraret. Vix verbum hoc illi ex ore
euolauit, cùm diabolus inuolauit in puellam, quam usque ad
maturam ætatem miserè cruciauit. Alia duo recenset idem
author, vnum de vxore, alterum de filio, quibus maritus & pa-
ter diabolum imprecatus est cum effectu. Nihil habent ergo
isti,

Lisiard epis.
Suescion. in
vita S. Aca-
olphii.

Euerhelw.
Abb. Altis-
montensis in
vita Poppo-
nis cap. 18.

Metaphrast.
7 Febr.

Cæsarius I. 5.
cap. 26.

Idem lib.
cod. c. 11. & 12.

isti, quod accusent Mundi gubernatorem. Digni sunt hac pœna, in qua Deum ludunt. Ludunt autem, si petunt, quod nolunt impetrare.

XIV.

**Audoenus
Rhotoma-
genis p̄ſul
in vita S. Eli-
gij lib. 2. c. 20.**

S. Gregor. l. i.
dial. cap. 4.

Quanquam etiam bono zelo Sancti leguntur hunc Spiritum præuaricantibus imprecati, vel pro potestate sua etiam immisisse, in iustum peccati pœnam, ac emendationem. S. Eligius Nouiomensis Episcopus, viderat à suis subditis, in natali die S. Petri, impios quosdam ac superstitiones chorearum ritus celebrari. Eos, pro officio suo, volebat esse abrogatos. Vsus argumentis; surdi fuerunt. Vsus est imperijs; quasi sanguum fuere immobiles. Utq; plerumque est inemendabilis pertinax consuetudo, cum corrigi deberent, facti sunt longe insolentiores. Ultimum remedium petiit à Deo Eligius, ut in eos animaduerteret. Petiit, impetravit. Mox enim amplius tringinta (alij quinquaginta numerant) obsessi sunt à spiritibus immundis. Tremuerunt hoc tam diro spectaculo reliqui, & sociorum miserti Sanctum virum rogauerunt, ut eos hoc supplicio liberaret: quibus respondit: Experiuntur prius, cui seruire elegerint. Perduravit ea vexatio, per solidum annum. Vertente anno, ac natali S. Petri demum redeunte, intolerabili illa tortura sunt liberati. Ita plebeia petulantia minimè plebeo modo, & chorea choreis ipsis punita est. Castigata quoque ad eundem modum militaris licentia legitur, apud Magnum Gregorium. Siquidem Valeria prouinciam Longobardis intrans, ex monasterio reverendissimi viri Equityi in praedicto oratori ad sepulchrum eius monachi fugerunt. Cumq; Longobardi saientes oratorium intrassent, cœperunt eosdem monachos foras trahere, et eos aut per tormenta discuterent, aut gladiis necarent; quorum unus ingemuit, atque acri dolore commotus clamauit: Heu, heu, Sancte Equiti, placet tibi, quod trahimur, & non nos defendis? Ad cuius vocem protinus saientes Longobardos immundus spiritus inuagi. Qui corruentes in terram tam diu vexati sunt, quousque hoc cuncti, etiam qui foris erant, Longobardi cognoscerent, quatenus locum sacrum temerare ulterius non audenter. Utinam, hoc tempore, Equitij hæc potestas etiam alijs Diuis concederetur, quorum tempora quotidie violantur! Sed ea, pro dolor, est militaris disciplina,